

四庫全書

子部

欽定四庫全書

子部
語林卷十八

詳校官侍講學士臣法武善

侍讀臣孫球覆勘

覆校官中書臣田尹衡

校對官中書臣王家賓

謄錄監生臣朱學濂

謄錄監生臣陳炳

欽定四庫全書

語林卷十八

明 何良俊 撰

品藻第十

昔子貢方人。夫子曰：「我則不暇。」蓋少之也。及觀夫子之論管仲、晏子、銅鞮伯華、程本子、蘧伯玉、子產、孟公綽、甯武子諸人，其差次品列，不遺毫髮。此所謂方人者，非耶？而何獨少子貢也？蓋夫子嘗曰：「不患人之不已，知患不知人也。」則夫子何嘗不貴知人哉？然所貴知人者，爲其

能自考也不然知之雖明奚益哉漢晉以來喜人倫其
品目率一二語皆微中足以槩人終身此其人豈必盡
能自考有所益然足使後之欲論其世者宛然若親見
其人則斯語又烏可少哉

肅宗雅好崔駰文章

范曄後漢書曰崔駰字季伯涿郡安平人祖篆父毅並有文章駰十

三能通詩易春秋博學有偉才盡通古今訓詁
百家之言善屬文少遊太學與班固傅毅齊名嘗語竇

憲曰卿知崔駰否憲曰班固數爲臣說之然未見也

范曄

後漢書曰班固字孟堅北地人九歲能屬文長遂博貫
載籍顯宗時除蘭臺令史大將軍竇憲出征匈奴以固

爲中護軍憲
敗固坐免官

帝曰卿好班固而忽崔駰此何異葉公之

好龍

莊子曰子張見魯哀公不禮焉去之曰君之好士
也有似葉公子高之好龍雕文畫之於是天龍聞

而示之窺頭於牖拖尾於堂葉公見之失其魂魄五色
無主是葉公非好龍也好夫似龍非龍也今君非好士
也好夫似士者

漢桓帝嘗問陳仲舉

陳蕃已見

徐穉

已見

袁閎

已見漢書曰

閎少脩

志節矯
俗高厲

韋著

范曄後漢書曰著字休明扶風平陵人六
世祖賢漢丞相父豹廣都長著少以經行

知名不應州郡之命
輔冠族少脩節操持京氏易韓詩博通藝術

謝承後漢書曰著三

三人孰爲

先後仲舉對曰閎生出公族聞道漸訓著長於三輔禮

義之俗所謂不扶自直不鏤自雕至於穉者爰自江南卑薄之域而角立傑出宜當爲先

或問汝南許章曰叔慈

皇甫謐高士傳曰荀靖字叔慈潁川潁陰人父淑朗陵侯相靖

少有俊才動止以禮及卒學士製誄者二十六人潁陰令丘正追謚曰玄行先生

慈明

張璠漢紀曰荀

爽字慈明荀靖之弟幼好學十三能通春秋論語太尉橋玄稱其可爲人師長遂就思經書慶弔不行徵命不應遂成大儒孰賢許曰二荀皆玉也慈明外朗叔慈內潤

陳太丘

范曄後漢書曰陳寔字仲弓潁川許人除太丘長少著清德連辭徵命閉門懸車棲遲養老中

平四年卒于家傳子曰寔亡天下致弔會葬者三萬人制衰麻者百數先賢行狀曰大將軍遣官屬弔祠

追謚文
範先生
子紀
范曄後漢書曰紀字元方亦以至德稱兄弟孝養閨門邕和弟諶字季方海內先

賢行狀曰寔紀高名並著而諶又配之世
紀子群
范曄號三君每宰府辟命率皆同至羔鴈成群後漢

書曰群字長文為兒時祖父寔奇之謂宗人曰此兒必
興吾宗仕魏官至侍中
魏志曰魯國孔融才高倨傲

年在群紀之間先與紀友後
與群交更為紀拜由是顯名
並有高名天下以為公慚

卿卿慚長

郭林宗目汝南謝子微

謝甄已見

陳留邊文禮

典畧曰邊讓字文禮陳留

浚儀人少博辯能屬文何進欲辟之恐不至詭以軍事
徵既到署令史進以禮見之時賓客滿座莫不羨其風

府掾孔融王
朗修刺候馬

二子英才有餘並不入道

後甄以不拘細行為時所毀讓

以輕侮曹操為鄉人
所搆操告郡就殺之

孔北海

孔融已見

與平原陶邱洪陳留邊讓並以俊秀為後

進冠蓋孔持論經理不如洪讓逸才宏博過之

邊文禮才辯俊逸孔北海嘗薦於曹公

曹操已見

曰邊讓為

九州之被則不足為單衣襜褕則有餘

范曄後漢書曰蔡中郎深重讓

薦於何進曰伏惟幕府初開博選清英華髮舊德並為
元龜雖振鷺之集西雍濟濟之在周庭無以或加竊見
陳留邊讓天授逸才聰明賢智鬻鳳孤不盡家訓及
就學廬便受大典初涉諸經見本知義授者不能對其
問章句不能逮其意心通性達口辯辭長若處狐疑之
論定嫌審之分經典交至檢括參合衆夫寂焉莫之能

奪使讓生在唐虞則元凱之次運值仲尼則顏冉之亞
豈徒俗之凡偶近器而已階級名位亦宜超然若復隨
輩而進非所以章瓌偉之高價昭知人之絕明也傳曰
函牛之鼎以烹雞多汁則淡而不可食少汁則焚而不
可熟此言大器之於小用固有所不宜也邕竊恠邑怪
此寶鼎未受犧牛大羹之和久在煎熬鑿割之間願明
將軍回謀垂慮裁加少納貢之機密展之力用若以年
齒為嫌則顏回不得貫德行之首子奇終無阿宰之功
苟堪其事
古今一也

華子魚

華散已見

與北海邴根矩

邴原已見

管幼安

管寧已見

游學相

善時號三人為一龍華為龍頭邴為龍腹管為龍尾

裴松

之云邴根矩之徽猷懿望不必有愧華公管幼安舍德
高蹈又恐弗當為尾魏畧此言未可以定其優劣也

何良俊曰華子魚輸心異代大肆戈鋌那根矩避難殊方自露環穎較之幼安韜精戢羽終始令德者豈可同年而校其優劣哉篤而論之當以管爲龍頭那爲龍腹華爲龍尾

王景興在會稽

魏志曰王朗字景興東海郡人以通經拜郎中師太尉楊賜賜亡棄官行服陶

謙察朗茂才爲謙治中後謙奉章至長安天子嘉其意俱拜官朗爲會稽太守孫策渡江舉兵迎策連戰敗績朗詣策曹公表徵之朗自曲阿展轉江海積年乃至思賢嘉善樂採賢俊問功曹

虞仲翔

虞翻已見

曰聞王出崑山珠生南海遠方異域各生

珍寶且聞士人歎美貴邦舊多英俊徒以遠于京畿舍
香未越耳功曹雅好博古寧識其人耶虞對曰夫會稽
上應牽牛之宿下當少陽之位東漸巨海西通五湖南
暢無垠北渚浙江山有金玉鳥獸之殷水有魚鹽珠蚌
之饒海嶽精液善生俊異是以忠臣係踵孝子連閭下
及賢女靡不育焉景興笑曰地勢然矣士女之名可悉
聞乎仲翔曰不敢及遠請略舉其近往者孝子句章董
黯盡心色養喪致其哀單身林野鳥獸歸懷怨親之辱

白日報警海內聞名昭然光著太中大夫山陰陳囂漁
則化盜居則讓鄰感侵退藩遂成義里攝養車嫗行足
厲俗自揚子雲等上書薦之粲然傳世太尉山陰鄭公
清亮質直不畏彊禦魯相山陰鍾離意稟殊特之姿孝
家忠朝故取養有君子之慕魯國有丹書之信及陳宮
費齊皆上契天心功德治狀記在漢籍有道山陰趙曄
徵士上虞王充各洪才淵懿學究道源著書垂藻駱驛
百篇釋經傳之宿疑解當世之槃結或上窮陰陽之奧

祕下據人情之歸極交趾刺史上虞綦母俊拔濟一郡
讓爵土之封決曹掾上虞孟英三世死義主簿句章梁
宏功曹史餘姚駟勲主簿句章鄭雲皆敦終始之義引
罪免居門下督盜賊餘姚伍隆劓殍候主簿任光章安
小吏黃他身當白刃濟君於難揚州從事句章王脩委
身授命垂聲來世河內太守上虞魏少英遭世屯蹇忘
家憂國列在八俊爲世英彥尚書烏傷楊喬桓帝妻以
公主辭疾不納近故太尉上虞朱公天資聰亮欽明神

武策無失謨征無遺慮是以天下義兵思以爲首上虞
女子曹娥父溺江流投水而死立石碑紀炳然著顯景
興曰是既然矣潁川有巢許之逸軌吳有太伯之三讓
貴郡雖士人紛紜於此足矣仲翔對曰故先言其近者
耳若乃引上世之事及抗節之士亦有其人昔越王翳
讓位逃於巫山之穴越人薰而出之斯非太伯之儔耶且
太伯外來之君非其地人也若以外來言之則大禹亦
巡於此而葬之矣鄞大里黃公潔已暴秦之世高祖即

昨不能一致惠帝恭讓出則濟難徵士餘姚嚴遵王莽
數聘抗節不行光武中興然後俯就矯手不拜氣凌雲
日皆著於傳籍較然彰明豈如巢許流俗遺譚不見經
傳者哉景興笑曰善哉話言也賢矣非君不著太守未
之前聞也

陳元龍

陳登已見

使功曹陳季弼詣許謂之曰許下論議待

吾不足足下相爲觀察還以見誨季弼還曰聞遠近之
論頗謂明府驕而自矜元龍曰夫閨門雍穆有德有行

吾敬陳元方兄弟淵清玉潔有禮有法吾敬華子魚清
脩疾惡有識有義吾敬趙元達博聞強記奇逸卓犖吾
敬孔文舉雄姿傑出有王伯之略吾敬劉玄德所敬如
此何驕之有餘子瑣瑣亦烏足錄哉

魏志曰陳矯字季弼廣陵東陽人初

為陳登功曹太祖辟為
司空掾歷官侍中司徒

高貴鄉公即位神明爽雋德音宣朗朝罷司馬景王私
問鍾會曰上何如主會曰才同陳思武類太祖景王曰
果如卿言社稷之福

張惠恕少脩節操容貌奇偉

吳志曰張溫字惠恕吳郡吳人父允輕財重士名顯

州郡溫少知名孫權微到延見文辭占對觀者傾竦權改容加禮罷出張昭執其手曰老夫托意君宜明之

吳主聞之後以問群臣曰溫當今與誰爲比大司農劉

基曰

吳志曰劉基字敬與劉繇子美姿容孫權甚敬嘗宴於船中值雷雨權以蓋自覆又命覆基餘人不

得也

吳書曰基遭多難潛處味道不以為戚與群弟常夜卧早起妻妾希見其面諸弟事之猶父不妄交游

門無雜賓

可與全琮爲輩

吳志曰全琮字子璜吳郡錢塘人江表傳曰琮治富春經過錢塘

修祭墳墓請會平生知舊宗族施散惠與千有餘萬本土以爲榮

太常顧榮曰基未詳

其爲人也溫當今無輩

張惠恕至蜀諸葛武侯甚知之

吳志曰溫以輔義中郎使蜀權謂溫曰卿不宜

遠出恐諸葛孔明不知吾所以與曹氏通意故屈卿行若山越都除便欲太構於蜀行人之義受命不受辭也溫對曰臣入無腹心之規出無專對之用懼無張老延譽之功又無子產陳事之効然諸葛亮達見計數必知神慮屈申之宜加受朝廷天覆之惠惟亮之心必無疑貳溫至蜀詣闕拜章曰昔高宗以諒闇昌殷成王以幼冲隆周功冒溥天聲貫罔極今陛下以聰明之姿等契往古總百揆於良佐參列精之炳耀遐邇望風莫不欣賴吳國勤任旅力清澄江潯願與有道平一字內委心協規有如河水軍事興煩使役乏少是以忍鄙倍之羞使下臣溫通致情好陛下敦崇禮義未便耻忽臣自入遠境及即近郊頻蒙勞來恩詔輒加以榮自懼悚怛若驚謹奉所齎函書一封蜀甚貴其才權既銜溫稱美蜀政又兼其聲名太盛衆庶眩惑因暨豔事廢溫及

聞惠恕黜免未得其故思之數日曰吾今已了矣其人

於清濁太明善惡太分

會稽典錄曰餘姚虞俊歎曰張惠恕才多智少華而不實怨之

所聚有覆家之禍吾見其兆矣諸葛亮聞俊憂溫意未之信及溫放黜亮乃歎俊之先見

有人言許子將褒貶不平以拔樊子昭而抑許文休劉

子揚曰

劉曄已見

子昭拔自賈豎年至七十退能守靜進不

苟競子將之拔夫亦宜爾蔣子通曰

魏志曰蔣濟字子通楚國平阿人官

領軍將軍著萬幾論

世語曰濟隨司馬宣王屯洛水

浮橋濟書與曹爽言宣王旨唯免官而已爽誅滅濟病

其言之失

信發病卒子昭誠自幼至長容貌完潔然觀其插牙齒

樹頰頰吐脣吻自非文休之敵

王朗與許靖書曰武皇帝於江陵劉景升廳事

上共論足下至於通夜不寐饑渴無已

崔琰從弟林嘗與陳群共論冀州人士稱琰爲首群以智不存身貶之林曰大丈夫爲有邂逅耳即如卿諸人良足貴乎

張輔吳

張昭已見官輔吳將軍

在孫權坐嘗論劉子初褊阨不當

拒張飛太甚

零陵先賢傳曰張飛嘗就巴宿巴不與語飛忿志諸葛亮謂巴曰張飛雖武人敬慕足

下主公方收合文武以定大事足下雖天素高亮宜少降意巴曰大丈夫處世當交四海英雄如何與兵子共

語備聞之怒曰孤欲定天下而子初專亂之其欲還北
假道於此豈欲成孤事耶備又曰子初才智絕人如孤
可任用之非孤者難獨任也亮亦曰運籌策於幃幄之
中吾不如子初若提抱鼓會軍門使百姓喜勇當與人
議之

足稱高士

荀奉倩謂其父文若立德高整軌儀以訓物從兄公達

不治外形而慎密自居以公達爲優

晉陽秋曰諸兄大
怒之而不能迴也

吳宣太子妙選官屬東宮號爲多士

吳志曰孫登字子
高權長子黃初二

年立爲太子好賢下士接
待寮屬畧用布衣之禮

使侍中胡綜

吳志曰胡綜字
偉則汝南固始

人有文才

作賓客目曰英才卓越超踰倫匹則諸葛恪

見精

識時機達幽究微則顧譚

見凝

辯宏達言能釋結則謝

景

吳歷曰謝景字叔發南陽宛人為豫章太守在郡有治迹吏民稱之以為前有顧劭其次即景

究學

甄微游夏同科則范慎

見論

吳錄曰慎著論二十篇名曰矯非

南陽羊道

私駁綜曰

羊道已見

吳書曰羊道初為中庶子年二十時廷尉監隱蕃交結豪傑自衛將軍全琮

等皆傾心敬待惟道及豫章楊迪拒絕不與通人咸怪之蕃後叛逆衆乃服之

元遜才而踈子

默精而狠叔發辯而浮孝敬深而狹所言皆有指趣然

道竟以此言不為恪等所親後四人皆敗時以道為知

言

李令伯

李密已見

入洛見張茂先張言次問孔明言教何碎

令伯曰昔舜禹臯陶相與語故得簡大雅誥與凡人語
宜碎孔明與言者無已敵言教是以碎耳張公大善令
伯對

晉武與胡威語次因及其父

胡質已見

清德遂問威曰卿自

謂孰與父清威曰威乃何敢望臣父帝又問卿父以何
爲勝耶威荅曰臣父清常恐人知臣清常恐人不知

王武子甚重荀松以方其外祖陳郡袁侃謂侃弟奧曰
近見荀監子清虛名理當不及父德性純粹是賢兄輩
人也

王太尉

王衍已見

甚重其弟平子

王澄已見

與處仲

王敦別見

庾子嵩

晉陽秋曰庾敳字子嵩潁川人侍中竣第三子恢廓有
度量自謂是老莊之徒曰昔未讀此書意謂至理如此
今見之正與人意
暗同仕豫州長史嘗謂天下士人目曰阿平第一子嵩

第二處仲第三

王平子嘗行經陳留郡界陳留時爲大郡名有人士太

守遣吏迎王王問吏曰此郡人士爲誰吏曰有蔡子尼

江應元

蔡克江
統已見

是時郡人多居大位者王以其姓名問

曰甲乙等非君郡人耶何但稱此二人吏曰向謂君侯
問人不謂問官位王笑而止到郡以語太守曰舊名此
邦有風俗果然小吏亦復知此

時人目王汝南

鄧粲晉紀曰王湛字處冲太原人隱德
人莫之知雖兄弟宗族亦以爲癡唯父

昶異

上方山濤不足下比魏舒有餘王聞之曰欲處我

於季孟之間

山濤魏舒
並已見

衛洗馬

衛玠

穎識通達天韻標令論者以爲出王眉子平

子武子之右世人爲之語曰諸王三子不如衛家一兒

王澄王濟已見
晉諸公贊曰王元字眉子夷甫子也東海王越辟爲掾後除陳留太守大行威罰爲搗人所害

州里目陳留阮放爲宏伯

晉書曰阮放字思度祖略齊郡太守父顗淮南內史放與

族弟孚並知名中興時爲太子舍人雖戎車屢駕而常說老莊不及軍國明帝甚愛之素清約不營產業爲吏部郎不免饑寒王導庾亮供給衣食高平郗鑒爲方伯泰山胡毋輔之爲

達伯濟陰卞壺爲裁伯陳留蔡謨爲朗伯阮孚爲誕伯

上五人
已見

高平劉綏爲委伯

晉諸公贊曰劉綏字萬安高平人祖與太視令父武著作

郎綏歷驃騎長史

泰山羊曼爲黯伯

羊曼別傳曰曼字延祖泰山南城人父暨陽平太守

曼顏縱任俠飲酒誕節與陳留阮放等號兗州八達累遷丹陽尹爲蘇峻所害

凡八人號兗州

八伯以擬八雋

解叔連在豫州

晉書曰解結字叔連濟南著人與兄系齊名辟公府掾累遷豫州刺史時孫秀亂

關中結在都坐議秀罪應誅秀由是致憾及系被害結亦同戮

嘗問從事陳顥曰河北

白壤膏梁何故少人

晉書曰陳顥字延思陳國苦人少好學有文義

陳曰英

偉大賢多出山澤河北土地平均蓬蒿裁高三尺不足

成林故也叔連曰張彥真

張升已見

以爲汝頴巧辯不及青

徐儒雅陳曰張彥真與元禮

李膺已見

不協故設過言老子

莊周生陳梁伏羲傳說師曠大項出陽夏漢魏二祖起

於沛譙準之衆州莫與爲比叔連甚異之曰豫州人士

常半天下此言非虛

裴景思是裴叔則子

晉書曰裴憲字景思少而頴悟好交輕俠及弱冠更折節嚴重脩尚

儒學足不踰閭者數年

謝幼輿庾子躬

名士傳曰子躬名琮子嵩兄也

甚知之嘗

曰裴憲鯁亮宏達通機識命不知其何如父至於深宏

保素不以世物嬰心者其殆過之

諸葛恢蔡謨

二人並已見

與荀闓

晉書曰荀闓字道明有名稱京師語曰洛中英英荀

道明齊王問辟為掾問敗暴尸三日莫敢收葬闓與問故吏李述嵇舍等露板請葬朝議聽之論者稱焉俱

字道明並有名江左號為中興三明時人為之語曰京

都三明各有名蔡氏儒雅荀葛清

荀道元

荀邃已見

道明兄弟俱有名明帝嘗從容問王世將

王廙已見

曰二荀兄弟孰賢世將荅以闓才明過邃帝以語

庾太尉太尉曰邃真粹之地亦闓所不及

庾赤玉

赤玉庾統小字晉中興書曰統字長仁潁川人衛將軍懌子也少有令名仕至尋陽太守

曾問殷洪喬

殷羨已見

王丞相治何似詎是所長殷曰其餘

令績不復稱論然三捉三治三休三敗

中朝人共論少正卯盜跖其惡孰深有人云少正卯雖

姦不至剖人充膳盜跖爲甚顏光祿

顏舍已見

曰爲惡彰露

人思加戮隱伏之姦非聖不誅由此言之少正爲甚衆

莫能屈

或問江左諸人優劣於顏光祿顏曰周伯仁

周顗已見

之正

鄧伯道之清

晉陽秋曰鄧攸字伯道平陽襄陵人七歲喪父母及祖父母持重九年性清慎平簡

卞望之

卞壹已見

之節餘則吾不知

支道林目會稽王曰有遠體而無遠神

續晉陽秋曰簡文帝諱昱字道

萬中宗少子初封會稽王仁聞有智度穆帝幼冲以撫軍輔政大司馬桓溫廢海西公而立帝在位三年而崩

桓茂倫性通朗有人倫鑒識時人方之許郭雅爲周侯所重周嘗歎曰茂倫嶽崎歷落是可笑人

劉尹謝鎮西共論中朝士人或問杜乂可方衛洗馬不謝曰安得比中間可容數人

顧長康在桓公大司馬府桓公曰長康體中痴黠各半

合而論之正得平耳

丘淵之文章錄曰顧愷之字長康晉陵人父悅尚書左丞愷之義熙

初為散騎常侍晉中興書曰愷之博學有才氣為人遲鈍而自矜尚為時所笑宋明帝文章志曰世云愷

之有三絕畫絕文絕痴絕

王季琰

王珉別傳曰珉字季琰瑯邪人丞相導孫中領軍洽少子有才藝善行書名出凡珉右累遷侍

中書令

有雋才與兄元琳

王珣已見

並有美稱季琰又出元琳

右時人為之語曰法護非不佳

法護王珣小字

僧彌難為兄

僧彌

王珉小字

羊玄保爲司徒長史

沈約宋書曰羊玄保太山南城人祖楷尚書都官郎父綬中書侍郎

玄保起家楚臺太常博士至散騎常侍

府公王弘甚知之謂左長史庾登

之

南史曰庾登之字元龍旣族弟也曾祖冰晉司空祖蘊廣州刺史父廓東陽太守登之少以彊濟自立爲

宋武帝鎮軍叅軍預討桓玄功封曲江縣男豫章太守

吏部尚書王淮之

見已曰卿

二賢明美朗識會悟多通然弘懿之望故當共推羊也

有蔡湛之者甚重謝弘微湛之猶及見謝安兄弟嘗語

人曰弘微貌類中郎

謝萬性似文靖

謝安

謝尚書

謝混已見

嘗云阿遠剛躁負氣

謝瞻小字已見

阿客博而無

檢

靈運小字

阿多恃才而持操不篤

謝曜已見

宣明自知而納善

不周

謝晦已見

設復功濟三才終亦以此爲恨至如微子吾

無間然

謝密已見

謝叔源嘗因酣宴之餘爲韻語以獎訓靈運等曰康樂
誕通度實有名家韻若加繩染功剖瑩乃瓊瑾宣明體
遠識穎達乃沉雋若能去方執穆穆三才順阿多標獨
解弱冠纂華允質勝誠無文其尚又能峻通遠懷清悟
采采標蘭訊直轡鮮不躡抑用解偏吝微子基微尚無

倦由慕藺勿輕一簣少進往將千仞數子勉之哉風流
由爾振如不犯所知此外無所慎靈運等皆有誠厲之
言惟弘微獨盡褒美

世目謝宣明涉獵文義朗瞻多通以方楊德祖微將不
及宣明聞猶以爲恨

或人問沈休文王惠何如休文曰令明簡問王球何如
曰舊王淡又次問謝弘微何如曰簡而不失淡而不流
古之所謂名臣弘微當之矣

王儋王

球

居身簡貴不雜交游筵席虛靜門無異客從

兄曇首常語云儋王亦是王卮但無當耳

齊太祖素奇愛張思光爲太尉時與思光款接見思光
常笑曰此人不可無一不可有二

王僕射

王儉已見

語人曰張緒過江所未有北士中可求之

耳不知黃叔度陳仲弓能過之不

到長史在天監中甚見知賞

梁書曰到洽字茂沿彭城武原人宋驃騎將軍秀之

曾孫祖仲度江夏王從事中郎父坦齊中書郎洽少清
警有才行謝朓文章盛於一時見洽深相賞好日引與

談論每謂洽曰君非直名人乃亦兼資
丈武除晉安國常侍後為雲麾長史

時二兄詔溉與

從弟沆一時俱有美名

南史曰到溉字茂灌兄弟俱知名起家王國常侍樂安任昉大

相賞好廣為聲價家門雍睦兄弟特相友爱與洽恒共居一齋洽卒後便捨為寺蔣山有延賢寺溉家世所立溉得祿俸皆充二寺因斷腥膻終身蔬食朝夕從僧徒禮誦武帝每月三致淨饌性不好交游唯與朱異劉之遴張綰同志友密及卧疾門可羅雀三人恒鳴騶枉道以相存問置酒極歡而去梁書曰到沆字茂澄父攜齊五兵尚書沆幼聰敏善屬文為人不自伐不論人長短樂安任昉南鄉范雲皆友善官北中郎諮議叅軍

高祖嘗問立待詔

遲

到洽何如沆溉立對曰清正過於

沆文章不減溉加以清言殆將難及

梁元帝嘗自言我韜於文士愧於武夫論者以爲得言

元文若少有文學時譽甚美

魏書曰元或字文若大武皇帝之孫臨淮王譚之子

也與從兄安豐

明延

中山

熙

並是宗室以博古文學齊名

時人莫能定其優劣范陽盧道將謂吏部清河崔休曰
三人才學雖無高下然安豐少於造次中山太多阜白
未若濟南風流沉雅時人爲之語曰三王楚琳琅未若
濟南備負方

邢子廣目二盧云詢祖有規檢襴衡思道無氷稜文舉

梁使至北與館伴李緯語次因問安平諸崔緯曰子玉以還雕龍絕矣崔暹聞之而怒後緯詣門謝暹暹不顧而出

崔陵端凝如神以簡貴自處齊神武言崔陵應作令僕恨其神明太適

房玄齡在隋嘗校讐秘書省時吏部侍郎高孝基名知人謂裴矩曰僕觀人多矣未有如此郎者當爲國器但恨其不見聳壑昂霄耳

太宗嘗因群臣侍宴語王珪曰卿識鑒精通尤善談論

自房玄齡以下咸宜品藻又可自量孰與諸子賢

劉洵唐書

曰王珪字叔玠太原祁人祖僧辯梁太尉珪恬淡少欲志量沉深叔頗當世通儒有人倫之鑒謂所親曰門戶所寄惟在此兒貞觀中與房玄齡李靖溫彥博戴胄魏徵同知國政珪對曰孜孜奉國知無不爲臣不如玄齡才兼文武出將入相臣不如李靖

劉洵唐書曰李靖本名藥師雍州三原人姿貌瓌偉少有文武材畧其舅韓擒虎號為名將每與論兵未嘗不稱善曰可與論孫吳之術者唯斯人矣王通中說曰靖也惠而斷敷奏詳明出納唯允

臣不如溫彥博

劉洵唐書曰溫大雅弟名彥博聰悟有口辯涉獵書記父友薛道衡李綱見彥

博兄弟咸歎異曰皆卿相才也

處繁理劇衆務必舉臣不如戴胄

劉昫唐書

曰戴胄字玄胤相州安陽人性貞正有幹局明習律令尤曉文簿貞觀中官尚書僕射房玄齡魏徵美胄才用

俱與親善

以諫諍爲心耻君不及於堯舜臣不如魏徵

房玄齡魏

徵並已見

至於激濁揚清嫉惡好善臣於數子亦有一日之

長太宗深然其言諸人各以爲盡已所懷謂之確論

溫大雅在隋與顏思魯俱在東宮彥博與思魯弟愍楚

同直內史省彥將與愍楚弟遊秦同典校秘閣二家兄

弟各爲一時人物之選世以爲小時學業顏氏爲優後

來官位溫氏爲盛

太宗嘗語人曰人言魏徵舉動踈慢我但覺其嫵媚耳

褚河南

褚遂良已見

一日問虞秘監

虞世南已見

某書何如永師

虞曰聞彼一字直錢五萬官豈得若此又問何如歐陽詢虞曰聞詢不擇紙筆皆能如志官豈得若此褚恚曰若爾某何得更留意於此虞曰若手和筆調遇合作者亦深可貴尚褚喜而退

李綱

已見

爲詹事隱太子嘗至溫湯綱以小疾不從有獻

生魚者太子召饗者鱠之時李檢趙元楷在坐各自贊能爲鱠太子謂之曰飛刀鱠鯉調和鼎食公實有之至於審諭弼諧固屬李綱矣

馬周雅善敷奏動無不中

唐詩紀事曰馬周字賓王博州人嗜學天資曠邁補州助

教不治事刺史達奚恕數咎責周去客密州趙仁本高其才厚以資使入關留汴爲浚儀令崔賢所辱遂感激而西至長安客常何家太宗召之後爲中書令岑文本謂人曰吾觀馬君論事

多矣援引事類揚榷古今舉要刪蕪會文切理奇鋒高論往往間出聽之靡靡令人忘倦昔之蘇張鍾賈正應

此耳然鵞肩火色騰上必速恐不能久耳無何而卒如

文本言

唐詩紀事曰岑文本字景仁鄧州人
中書侍郎顏師古以謫罷太宗曰朕自舉一人
乃授文本

侍郎專

典機要

來恒與其弟濟相次知政事時以爲榮初濟父護兒在
隋爲將而恒濟俱以學行見稱虞世南子昶既無才術
累居工作之司濟初升相位許敬宗歎曰士之登庸不
繫世業履道則爲衣冠失緒則爲匹庶來護兒兒作相
虞世南兒作匠

唐詩紀事曰來濟揚州人父護兒隋左
翊衛將軍濟志好學有文詞善談論正

觀中置太子司議郎高其
選以濟為之永徽中為相

崔融李嶠張說俱重四傑之文崔嘗曰王勃文章宏放
奔逸有絕塵之迹固非常流所及唯炯與照鄰可以企
之盈川之言信矣說曰盈川文思如懸河注水酌之不
竭既優於盧亦不減王耻居王後信然愧在盧前謙也

世稱王楊盧駱謂之四傑炯聞
之曰吾愧在盧前耻居王後

世言楊盈川之文好以古人姓名連用號為點鬼簿駱
賓王文好數對號算博士

蘇味道高爽

唐詩紀事曰味道趙州人與里人李嶠同掌綸誥稱蘇李武后時為相世號模稜手

王方慶

見別

魯鈍同時為鳳閣侍郎或問張元一二子孰

賢元一荅曰蘇如九月得霜鷹王如十月被凍蠅

朝野僉載

曰或人又問其故元一荅曰得霜鷹俊健被凍蠅頑怯人伏其能體物

中宗正月晦日幸昆明池賦詩群臣應制百餘篇帳殿前結綵樓命上官昭容選一首為新翻御製曲從臣悉集其下須臾紙落如飛各認其名而懷之唯沈宋二詩不下又移時一紙飛墜競取而觀乃沈詩也昭容評曰

二詩工力悉敵沈詩落句云微臣雕朽質羞覩豫章材
蓋辭氣已竭宋云不愁明月盡自有夜珠來猶陡健舉

沈乃不敢復爭

唐詩紀事曰昭容名婉兒西臺侍郎儀之孫父廷芝與儀死母鄭方姪夢巨人

昇大秤曰持此秤量天下昭容生踰月母戲之曰秤量者豈爾耶輒啞然應後內秉機政符其夢云自通天來內掌詔命中宗立進昭容帝引名儒賜宴賦詩婉兒常代帝及后長寧安樂二公主衆篇並作采麗益新又差第群臣所賦賜金爵朝廷靡然成風當時屬辭大抵浮靡然皆可觀昭容力也韋后之敗斬闕下

中宗嘗召宰相蘇瓌李嶠之子進見時皆童年帝謂曰
汝等各以所通書取宜奏吾者言之頽應曰木從繩則

正后從諫則聖嶠之子亦奏曰斬朝涉之脛剖賢人之心帝曰蘇瓌有子李嶠無兒

蘇廷碩

蘇頌已見

與宋廣平同在政府廣平剛正多所裁斷

蘇皆順從其美廣平甚悅之嘗謂人曰吾與蘇氏父子皆同時爲宰相僕射長厚誠爲國器然獻可替否罄盡臣節則頌實過之

東明觀道士周彥雲欲爲其師立碑謂蘇昌容曰成某志者不過煩相君諸子五郎文頌六郎書

說善八分書

七郎

致石瓌大笑口不言而心服其當

張燕公徐元固

張說徐堅並已見

同在集賢十餘年好尚頗同

情契相得諸學士凋落者衆燕公手疏諸人名與元固同觀之元固謂燕公曰諸公昔年皆擅一時之美敢問孰爲先後燕公言李嶠崔融薛稷宋之問如良金美玉

無施不可

李嶠崔融宋之問並已見稷中書令元起之從子與從兄耀俱以辭學

劉昫唐書曰薛

知名同在兩省為時所稱

富嘉謨之文如孤峯絕岸壁立萬仞叢雲

鬱興震雷俱發誠可貴乎若施於廊廟則駭矣

唐詩紀事曰富

嘉謨武功人長安中為晉陽尉吳少微者亦尉晉陽有魏倚谷者為太原主簿稱北京三傑時天下文章尚徐庾浮俚嘉謨少微本經術雅厚雄邁人爭慕之號吳富體閻朝隱之文如麗色淨妝

夜之綺繡燕歌趙舞觀者忘憂然類之風雅則罪人矣

唐詩紀事曰閻朝隱字友情趙州樂城人性滑稽屬辭奇詭為武后所賞景龍時為秘書少監坐事貶通州別

駕元固因問今之後進文辭孰賢燕公曰韓休之文如

太羹玄酒雅有典則而薄於滋味

劉昫唐書曰韓休京兆人早有詞學蕭嵩

引為門下侍郎方直不務進趨甚允當時之望

許景先

見已

之文如豐肌膩理穠

華可愛而乏風骨張九齡

見已

之文如輕縑素練雖濟時

用而窘於邊幅王翰之文如瓊杯玉笋爛然可珍而有

玷缺

唐詩紀事曰王翰字子羽晉陽人少豪健恃才張嘉正張說為并州長史厚禮之為駕部郎坐事貶

道州司馬若能成其所闕濟其所長亦各一時之秀也

齊澣善知今事

唐詩紀事曰齊澣字洗心定州人開元間與蘇晉蘇頌賈曾韓休許景先孫逖

典詔誥為代言最杜暹當國表宋璟為吏部尚書澣及蘇晉為侍郎世謂臺選嘗稱陳希烈苗晉卿之才後皆

顯大高仲舒善知古事

劉昫唐書曰高獻雍州萬年人子仲舒博通經史尤明三禮及詁訓

之書神龍中為相王府文學王甚重之開元中授中書舍人宋璟蘇頌每詢訪故事焉

姚崇每諮

此兩人嘗曰欲知古事問仲舒欲知今事問齊澣一說

今事問崔琳

姚梁公與崔監同在中書梁公在假旬日政事委積崔處置皆不得自言於玄宗玄宗曰朕以天下事本付姚崇以卿坐鎮雅俗耳及梁公出頃刻間決遣盡畢時齊平陽見之梁公自以爲能頗有得色因問平陽曰余之爲相可是誰比平陽未及對梁公曰何如管晏曰不可比管晏管晏作法雖不及後猶及其身相公作相所立法令施未竟悉更之以此不及梁公曰然則竟何如曰

相公可謂救時之相也梁公投筆曰救時之相豈易得

乎

平陽即齊澣

張說爲左丞相知京官考其子均任中書舍人說時注
曰父教子忠古之善訓祁奚舉午義不勝私至如潤色
王言章施帝載道叅墳典例絕常功恭聞前烈尤難其
任豈以嫌疑敢撓綱紀考上下人服其公

劉昫唐書曰張均丞相說

之子能文章自以才名為李林甫所抑意常鬱鬱祿山陷京師授偽中書令後免死流合浦

盧藏用嘗謂李邕如干將莫邪難與爭鋒但虞傷缺耳

唐詩紀事曰盧藏用字子潛幽州人初隱終南少室二山時有意當世人目為隨駕隱士晚乃徇權利官至黃

門侍郎

裴子餘補鄆尉同舍李朝隱程行謚以文法稱而子餘

以儒顯或問優劣於長史陳崇業陳荅曰蘭菊異芬胡

有廢者

大唐傳載曰二子卒子餘謚孝行
諡謚正張說歎曰二謚可無愧矣

魚朝恩判國學日會釋菜執易升座百官在列朝恩言

鼎有覆餗象以侵宰臣

劉昫唐書曰魚朝恩天寶末以
宦者入內侍省性黠惠善宣荅

通書計至德中為觀軍容使恃勲自伐乃引輕薄文士
講授經籍自謂有文武才幹上優遇之加判國子監事

時王縉大怒

唐詩紀事曰王縉字夏卿河中人與兄維俱以名聞舉草澤文辭清麗科相肅宗

元載

已見

怡然朝恩曰怒者常情笑者不可測

劉蕡精於儒術嘗看文中子忿然言曰才非殆庶擬上

聖述作不亦過乎客曰文中子於六籍何如蕡曰若以

人望人文中子於六籍猶奴婢之於郎主也世遂以文

中子爲六籍奴婢

宋祁唐書曰劉蕡字去華幽州昌平人文宗朝舉直言極諫對策切直第

策官馮宿賈餗龐嚴見之嗟服以爲過古晁董畏中官睚眦皆不敢取

張弘靖三代掌書命皆在台座前此未有

張嘉貞生延賞延賞生弘

靖皆在中書時
號三相張氏

楊巨源贈詩曰伊陟無聞祖韋賢不到

孫時稱其能與張家說門戶

唐詩紀事曰巨源在元和間詩韻不為新語體律務

實功夫頗深旦暮吟詠不輟
年老頭搖人言吟詩所致

穆秘監

劉昫唐書曰穆寧河內人清慎剛正
重交游以氣節自任官至秘書監

四子贊質

負賞皆有令譽性又和粹世以滋味目之

劉昫唐書曰
穆贊字相明

官至御史中丞與弟質負賞以家人材為搢紳所仰
贊官達父母尚無恙家法清嚴兄弟奉指使咎責如僮
僕贊最孝謹質強直應策其所條對至今傳之自補闕
至給事中負工文辭尚節義士大夫言家法者以穆氏
首為謂贊俗而有格為酪質美而多入為酥負為醍醐言

粹而少用賞爲乳腐言最凡固

貞元中楊氏

劉昫唐書曰楊虞卿與弟漢公從兄汝士魯士並歷清貴鬱爲昌族所居靖恭里人

稱靖恭楊家

穆氏兄弟皆有美名人物氣韻略相似人不能

上下或言楊氏兄弟賓客皆同穆氏兄弟賓客各殊以此爲優劣

李觀作文不旁沿前人時謂與韓愈相上下及觀少夭而愈後文益工議者以爲觀文未極愈老不休故卒擅名陸希聲以爲觀尚辭故辭勝理愈尚質故理勝辭雖

愈窮老不能加觀之辭觀後愈死亦不能逮愈之質

李觀

韓愈已見唐詩紀事曰陸希聲博學善屬文相昭宗在位無所輕重以太子太師罷李茂貞犯京師輿疾避

難卒

在選諸人擬以李珣爲殿中御史宰相韋處厚曰清廟之器豈擊搏才耶除禮部員外郎

乾符中蔣凝應宏辭舉爲賦止及四韻遂白而出試官

逼請所試觀之歎息稱善頃刻之間播於人口時人語

曰白頭花鈿滿面不若徐妃半妝

撫言曰蔣凝江東人工於八韻然形不稱

名隨計途次襄陽謁徐商相公疑其假手因試峴山懷古一首凝賦成尤得意時溫飛卿居幕下大加稱譽

後唐命相安重誨欲用崔協任圜欲用李琪圜曰朝廷有李琪者學際天人奕葉軒冕論才校藝可敵時輩百人必舍琪而相協如棄蘇合之丸取蜚蛭之轉也

後唐張文禮素不知書亦無方略唯於儒兵之中姜菲上將言甲不知進退乙不識軍機以此軍人推爲良將柳開見已少好任氣大言凌物應舉時以文章投主司於簾前多至千軸載以獨輪車引試日夜欄自擁車入欲

以此駭衆取名時張景能文有名唯袖一書簾前獻之
主司大稱賞擢景優等時人爲之語曰柳開千軸不如
張景一書

張尚書

張詠

嘗曰吾榜中慎重有雅望無如李文靖

李深沆

沉有德素鎮服天下無如王子明

王旦

面折庭爭有風采

無如寇萊公

寇準四人並已見

當方面之寄則詠不敢辭

張乖崖嘗稱使寇公治蜀未必如詠至於澶淵一擲詠
不敢爲

夏英公言楊文公文如錦繡屏風但無骨耳議者謂英公之文譬諸泉水迅急湍悍至於浩蕩汪洋不如文公

涑水記聞曰夏竦字子喬父故錢氏臣歸朝為禁侍竦幼學於姚鉉使為水賦限以萬字竦作三千字以示鉉鉉怒不視曰汝何不於水之前後左右廣言之竦又益之得六千字以示鉉鉉喜曰可教矣十七善屬文為時稱所

世言宋宣獻公未嘗素談在河南聚廳錄囚公曰汝與某人素有何冤囚不能對坐上官更以俗語問之囚始能荅宋元憲公近之和氣拂拂然襲人景文公則英采

秀發三人者久視之無一點塵俗真神仙中人也

宋郊

已見

宋史曰宋綬字公垂趙州平棘人幼聰穎額有奇骨為外祖楊徽之所器徽之藏書悉與綬綬母亦知

書躬自訓教博通經史百家文章為一時所尚楊億稱其文曰沉壯淳麗吾不及也累官叅知政事卒謚宣憲

世言歐陽永叔每誇政事不誇文章蔡君謨不誇書呂

濟叔不誇棋何公不誇飲酒司馬君實不誇清絕大抵

不足則誇也

司馬溫公言昔與王介甫同為郡牧判官包孝肅為使

時號清嚴一日牡丹盛開包公置酒賞之公舉酒相勸

其素不喜酒亦強飲介甫終席不飲包公不能強也以此知其不屈

曾子固與王荊公友善後神宗以問子固云卿與王安石相知最早安石果何如子固曰安石文章行誼不減揚雄以吝故不及神宗遽曰安石輕富貴似不吝也子固曰臣所謂吝者以安石勇於有爲而吝於改過耳神宗頷之

宋景文諸公在館中嘗評唐人之詩言李長吉才力奔

放不驚衆絕俗不肯下筆因舉其鴈門太守詩云黑雲
壓城城欲摧甲光向日金鱗開王介甫曰是兒言不相
副也方黑雲如此安得向日之甲光乎

王平甫

已見

閱韓退之送石洪溫造二處士詩序言退之

善與處士作牙

蘇子瞻云老杜自秦川赴成都所歷輒作一詩數千里
山川在人目中古今詩人殆無其比獨明皇遣吳道子
傳畫蜀道山川歸對大同殿索其畫無有曰在臣腹中

請正素寫之半日都畢明皇後幸蜀皆默識其處無不相合唯此可用爲比

蘇叔黨過嘗讀南史東坡卧聽之因語叔黨曰王僧虔居建康禁中里馬糞巷子孫賢實謙和時人稱馬糞諸王爲長者東漢贊論李固云觀胡廣趙戒如糞土糞之穢也一經僧虔便爲佳號而比比胡趙則糞有時而不幸汝可不知乎

蘇子由嘗云在朝所見朝廷遺老數人如歐陽永叔張

公安道皆一世偉人蘇子容劉貢父博學強識亦可以名世予幸與之周旋聽其誦說放失舊聞多得其詳實其於天下事古今得失折衷典據甚多

東都事畧曰蘇頌字子容紳之

子舉進士為南京留守推官杜衍居睢陽一見深器之天性仁厚字量恢廓喜怒不形於色居必正冠危坐平生嗜學凡經史九流百家之說至於圖緯陰陽五行律呂星官算法山經本草無所不通官右僕射中書侍郎

晁秘監

晁美叔已見

以集句示劉貢父貢父曰君高明之識

輔以家世文學何至作此等伎倆殊非我素所期也吾嘗謂集古人句譬如蓬華之士適有佳客既無自己庖

厨而器皿肴藪悉假貸於人收拾餽飮意欲強學豪奢而寒酸之氣終是不去非如貴公供帳不移水陸之珍咄嗟而辦

陳瑩中題元祐黨籍碑云嗚呼漢世得人於斯爲盛

五朝

名臣言行錄曰陳瓘字瑩中南劍州人宣和中監察御史以論蔡京得罪卒謚忠肅

徐師川曰

宋史曰徐俯字師川洪州分寧人以父禧死事授通直郎張邦昌僭位遂致仕時工部侍郎何昌言與弟昌辰避邦昌諱皆改名俯買婢爲昌奴

客至即呼前驅使之高宗朝胡直孺汪藻迭薦之召爲

諫議大夫東坡山谷瑩中三君皆余所畏然各有可笑東坡

議論諫諍真能殺身成仁者夫死生旦夜爾而欲學長
生不死山谷赴官姑孰既至未視事聞當罷不去竟俯
就之七日符至乃去問其故曰不爾無舟吏可遷夫士
之進退極欲分明豈可以舟吏爲累瑩中大節昭著是
能必行其志者當視爵祿如糞土然猶時對日者說命
唐子西在惠州名酒之和者曰養生主勁者曰齊物論
宋史曰唐庚字子西眉州丹稜人爲文精密通於世務
張商英薦其才提舉京畿常平商英罷相庚亦坐貶安
州置惠

楊誠齋退居名酒之和者曰金盤露麴者曰椒花雨嘗
言余愛椒花雨甚於金盤露

湯伯紀以陶淵明述酒篇爲零陵哀詩

趙子固目姜堯章爲書家申韓

齊東野語云諸王孫趙孟堅字子固號葵齋居

嘉禾之廣陳善
筆札工詩文

趙和仲嘗云知古者莫如洪景盧知今者莫如陳君舉
宋世嘗目莊周爲道家之儀秦王通孔門之王莽

元仁宗極重趙孟頫嘗與侍臣論文學之士以孟頫比

唐之李太白宋之蘇子瞻

語林卷十八

欽定四庫全書

語林卷十九

明 何良俊 撰

箴規第十一

臧孫有言曰石猶生我疾之美其毒滋多嗚呼自古天子有四海諸侯饗國卿大夫持祿守官士庶人保其家何可一日不聞讜言乎

嚴子陵

范曄後漢書曰嚴光字子陵會稽餘姚人少有高名與光武同游學及光武即位變姓名隱身

不見帝令以物色訪之齊國上言有一男子披羊裘釣澤中帝疑是光安車聘之三反而後至終不能屈與

侯司徒書曰

范曄後漢書曰侯霸字君房河內密人篤志好學師事九江太守房元治穀梁春秋

為元都講光武徵拜尚書令時無故典朝廷又君房足
少舊臣霸明習故事悉收錄條奏帝施用之

下位至鼎足甚善懷仁輔義天下悅阿臆順旨腰領絕

侯得書封奏之帝笑曰此狂奴故態

皇甫謐高士傳曰霸與光素舊使西

曹屬侯子道奉書光不起於牀上箕踞抱膝發書讀訖問子道曰君房素癡今為三公寧小差否子道曰位已鼎足不癡也光曰遣卿來何言子道傳霸言光曰卿言不癡是非癡語也天子徵我三乃來人主尚不見當見人臣乎子道求報光曰我手不能書乃口授之使者嫌少可更足光曰買菜乎求益也

高義方嘗造馬季長季長辭不見義方覆刺為書曰伏

聞高問為日已久冀一見龍光叙腹心之願不圖辭之
以疾昔周公父兄文武九命作相以尹華夏猶握沐吐
食以接白屋之士天下歸德厯載邈矣今君不能相見
宜哉季長大愧遣人追請徑去不肯還

漢雜事曰高彪字義方吳郡人

志尚甚高遊太學博覽經史善屬文

范孟博

范滂已見

遷光祿勳主事時陳仲舉

陳蕃已見

為光祿勳

范執公儀詣陳陳不止之范懷恨投版棄官而去郭有

道

郭泰已見

聞而讓仲舉曰若范孟博者豈宜以公禮格之

今成其去就之名得無自取不優之議仲舉乃謝孟博

禰正平

禰衡已見

忤曹公責為鼓吏禰裸身更衣顏色不忤

孔北海

孔融已見

退而數之曰正平大雅固當爾耶

魏文為五官將時臨淄侯才名甚盛幾有奪嫡之議曹

公一日屏人以諮於賈詡詡默然不對曹公曰與卿言

不荅何也詡曰屬有所思不即對耳公問何思荅曰思

袁本初劉景升父子也曹公大笑太子遂定

魏畧曰文帝嘗使人

問詡以自固之術詡曰願將軍恢崇德度躬素士之業朝夕孜孜不違子道而已帝從之深自砥礪

蜀先主時天旱禁酒釀者有刑吏於人家檢得釀具欲令與

釀酒者同罰時簡雍從先主遊見一男子行道雍謂先

主曰彼人欲行淫何以不縛先主曰卿何以知之雍曰

彼有淫具與欲釀同先主大笑命原欲釀者

蜀志曰簡雍字憲和

涿郡人少與先主有舊隨從周旋先主至荊州與麋竺孫乾同為從事中郎常為談客往來使命後拜昭德將軍優游諷議性簡傲跌宕在先主坐猶箕踞傾倚適諸葛亮已下則獨擅一榻項枕卧語無所為屈

樊建入晉為給事中晉武帝問諸葛孔明之治蜀建對

曰聞惡必改而不矜過賞罰之信足感神明帝曰善哉

使我得此人以自輔豈有今日之勞乎建稽首曰臣竊聞天下之論皆謂鄧艾見枉陛下知而不理此豈馮唐所謂雖得頗牧而不能用者乎帝笑曰吾方欲明之卿言起我意於是發詔理艾

晉百官表曰樊建字長元蜀志曰建延熙中以校尉使

吳值孫權病篤不自見建權問諸葛恪曰樊建何如宗預恪曰才識不及預而雅性過之後為侍中守尚書令石季倫嘗與長水校尉孫季舒酣宴孫慢傲過度季倫欲表免之裴叔則聞而謂之曰季舒酒狂四海所知足下飲人狂藥責人正禮不亦乖乎

王丞相與庾太尉頗懷疑貳時孫安國為庾公征西主簿孫密諫庾曰王公神情朗達常有世外之懷豈肯為凡人事耶此必邪佞之徒欲間疎內外耳公宜稍詳之太尉初意頗釋

祖士言深好奕棋

王隱晉書曰祖納字士言范陽道人九世孝廉納事諸母三兄最治行操

能清言歷太子中庶子避地江南溫嶠薦為光祿大夫

王處叔謂之曰禹惜寸陰不

聞數棋

晉書曰王隱字處叔陳郡陳人世寒素父銓少好學有著述之志每私錄晉事及功

臣行狀未就而卒隱以隱素自守不交勢援博學多聞受父遺業西都舊事多所詣究家貧無資依征西

將軍庾亮於武昌亮供其紙筆書成詣闕上之隱雖好著述而文辭鄙拙蕪糾不倫其書次第可觀者皆父所撰文體混漫義不可祖云聊用忘憂耳虞叔曰古人遭時則以解者隱之作也功達其道不遇則以言達其才故否泰不窮也今晉未有書而天下傾覆舊事蕩滅君少長王都游宦四方華夷成敗皆在耳目何不記述使有裁成昔應仲遠作風俗通崔子真作政論蔡伯喈作勸學篇史游作急就章猶行於世便為沒而不朽當其同時人豈少哉而皆無聞由無述作也故君子疾沒世而名不稱況國史明乎

得失之迹何必博奕而後忘憂哉祖喟然歎曰非不悅

子之道力不足也遂發書薦處叔脩史帝以問鍾雅

事遂不行

鍾雅別傳曰雅字彥曾潁川長社人魏太傅鍾繇弟仲常曾孫也少有才志累遷侍中

謝太傅愛好聲律期功之慘不廢伎樂頗以成俗

續晉陽秋

曰謝安初携幼穉同好養志海濱襟情超暢尤好聲律然抑之以禮在哀能至弟萬之喪不聽絲竹者將十年及輔政而修室第園館麗車服雖暮功之慘不廢伎樂王坦之因苦諫焉王文度苦相規切

王坦之已見

謝貽文度書曰知君思相愛惜之至僕所求者

聲謂稱情義無所不可為聊復以自娛耳若絜軌跡宗

世教非所擬議亦非所屑常謂君薨得鄙趣者猶未得之濠上耶故知莫逆未易為人文度荅言具君雅旨此是誠心而行獨往之美然恐非大雅中庸之謂意者以為人之體韻猶器之方圓方圓不可錯用體韻豈可易處各順其方以弘其業則歲寒之功必有成矣吾子少立德行體議淹允加以令地優游自居僉曰之談咸以清遠相許至於此事實有疑焉公私二三莫見其可以此為濠上悟之者得無鮮乎且天下之寶故為天下所

惜天下之所非何為不可以天下為心乎想君幸復三
思書反覆數四謝竟不從

謝萬為豫州都督王右軍貽書戒之曰以君邁往不屑
之韻而俯同羣辟誠難為意然所謂通識正自當隨事
行藏乃為遠耳願君與士之最下者同則盡善矣食不
二味居不重席此復何有而古人以為美談濟不所由
實在積小以致高大君其存之

謝萬就太傅乞裘自云畏寒太傅荅曰君妄語正欲以

為豪具耳若畏寒無復腓綿者乃以三十斤綿與萬車武子為侍中日與王東亭諸人期共遊集武子請急出過詣王子敬子敬時住在建陽門內道北武子求去子敬問卿何以忽忽武子荅云與東亭諸人期共行子敬曰卿何以乃作此不急行武子不敢去盡急還臺

王國寶是謝太傅壻專利無檢行太傅每抑制之後國寶為孝武帝親暱遂危構太傅帝一日召桓子野飲太傅亦在坐

子野桓伊小字續晉陽秋曰伊字叔夏譙國鉅人父景護軍將軍伊少有才藝又善聲律標

悟省率為王濛劉惔所知累遷豫州刺史

帝命桓吹笛桓神色無忤即吹為

一弄乃放笛云臣於箏分乃不及笛然自足以韻合

歌管請以箏歌并請一吹笛人帝善其調達乃勅御

妓吹笛桓又言御府人于臣必自不合臣有一奴善相便

串帝令召之奴既吹笛桓便撫箏而歌曹子建怨詩

詩曰

為君既不易為臣良獨難忠信事不顯乃有見疑患周旦佐文武金縢功不刊推心輔王室二叔反流言

聲

節慷慨俯仰可觀太傅泣下沾襟乃越席就之捋其鬚

曰使君於此處不凡

謝奕在豫州亡後

晉中興書曰謝奕字無奕陳郡陽夏人祖衡太子少傅父哀吏部尚書奕

少有器鑒辟太尉掾累遷豫州刺史

簡文使王彪之舉可代者

王氏譜曰彪之字叔

虎祖正尚書父彬衛將軍年二十而頭須皓白時人謂之王白須少有局幹之稱累遷左光祿大夫

簡文

曰人有舉桓雲者君謂何如

晉書曰桓雲字雲子桓奕第二子大司馬溫之弟初

為何充驃騎參軍襲爵萬寧男歷位建武將軍

王曰雲不必非才然溫居上流

割天下之半其弟復處西藩兵權盡出一門亦非深根

固蒂之宜人才非可豫量但當令不與殿下作異者耳

簡文深納其言

王司徒謚與遠公書曰身年始四十而衰同耳順遠答
曰古人不愛尺璧而重寸陰觀其所存似不在長年耳
檀越既履順而遊性乘佛理以御心因此而推復何羨
於遐齡耶聊想斯理久已得之為復酬來信耳人皆稱
公善誘

謝康樂父與不慧為秘書郎早亡康樂好臧否人物叔

尚書

混

患之欲加裁折未有方也謂宣遠曰非汝莫能

乃與晦曜弘微等共遊戲命瞻與靈運共車既上便商

較人物宣遠謂之曰秘書早亡談者亦互有同異靈運默然言論自此衰止

世祖登祚以顏延之為光祿大夫時延之兒竣既貴重權傾一朝凡所資供延之一無所受器服不改宅宇如舊常乘羸牛敝車逢竣鹵簿即屏往道側又好騎馬遨遊里巷遇知舊輒據鞍索酒得酒便頽然自得常語竣曰吾平生不喜見要人今不幸見汝竣起大宅延之謂曰善為之無令後人笑汝拙也

孔中丞

孔覲已見

二弟在官

孔徽孔道存道存官至南海太守

頗營贓賄嘗

請假還東中丞出渚迎之輜重十餘船皆是綿絹紙席中丞見之偽喜曰我比困乏得此甚要因命上置岸側既而正色語曰汝輩忝預士流何至還東作賈客耶命左右取火燒之燒盡乃去

齊武帝時諸弟皆無寵嘗於御坐曲宴武陵因醉伏地以貂抄肉拌帝笑曰汙貂武陵荅曰陛下何愛其羽毛

而疎其骨肉

武陵王曄已見

丘靈鞠嘗詣褚彥回彥回不時起語靈鞠曰比脚疾更增不復能起靈鞠言脚疾亦是大事卿為一代鼎臣不可復為覆餗

王仲寶既為朝宰起長梁齋制度小過叔僧虔視之不悅竟不入戶仲寶即日毀之

王仲寶

王儉已見

小時叔父僧虔撫之曰我不患此兒無名

政恐名太盛

宋明帝頗好言理以周彥倫有辭義引為宿直時帝所

為慘毒周不敢顯諫輒誦經中因緣罪福事帝亦為之

小解

釋慧皎高僧傳曰明帝末年頗多忌諱因之犯忤致戮者十有七八僧瑾每以匡諫恩禮遂薄時周

顥入侍帷幄瑾謂顥曰陛下比日所為殊非人君舉動俗事諷諫無所復益妙理深談彌為賒緩唯三世苦報最切近情擅越隙因機候正當陳此而已帝後風疾數如針灸痛惱無聊輒召顥及殷洪等說鬼神雜事以散胸懷顥乃習讀法句賢愚二經每見談說輒為言帝驚曰報應真當如此亦寧可不畏因此犯忤之徒屢被全宥

徐孝嗣

已見

從武帝幸方山帝曰朕經始此山之南復為

離宮故應有邁靈丘靈丘玄武湖新林苑也孝嗣荅曰

繞黃山歛牛首乃盛漢之事今江南未曠民亦勞止願
陛下少更留神

王長史

王濤
已見

至性凝簡不狎當世嘗從容語諸子曰吾

家門戶所謂素族自可隨流平進不須苟求

建元中都下舛雜且多姦盜上欲立符伍家家以相檢
括王仲寶曰京師翼翼四方是湊必也持符於事既煩
理成不曠謝安所謂不爾何以為京師

齊高宗從弟季敞性頗豪縱上心非之

南史曰輔國將軍蕭季敞蘆猛

無行善
於彌縫

嘗語之曰卿可數詣王思遠

王思遠已見南史
曰思遠立身簡潔

陳顯達除江州刺史自以門寒位重每一遷官常有愧
懼之色戒其子勿以富貴陵人而諸子多事豪侈顯達
聞之不悅子休尚為郢府主簿過九江拜別顯達語之
曰塵尾蠅拂是王謝家物汝不須捉此即取於前燒除之
湘東王繹入援臺城頃軍武城淹留不進中記室參軍
蕭賁以繹不早下心甚非之嘗與繹雙陸食子未即下
賁歛手言曰殿下都無下意繹甚銜之

南史曰蕭賁字
丈與形不滿六

尺有文才能書善畫起
家為湘東王法曹叅軍

陳寶應潛有逆謀虞寄微知其意寶應嘗令左右讀漢
書卧而聽之至蒯通說韓信曰相君之背貴不可言寶
應蹶起曰可謂智士寄正色曰覆鄴驕韓未足為智豈
如班彪王命識所歸乎

北齊高祖嘗宴群臣酒酣各令歌樂武尉斛斯豐樂歌
曰朝亦飲酒醉暮亦飲酒醉日日飲酒醉國計無取次
上曰豐樂不謫是好人

北齊孝昭樂善聞過後代罕及嘗問舍人裴澤在外議論得失裴率爾對曰陛下聰明至公自可遠侔古昔而有識之士咸言傷細帝王之度頗為未弘帝笑曰誠如卿言

唐太宗幸九成宮駕還有宮人憇淶川縣官舍俄而李

靖王珪

二人並已見

至縣官移宮人於別所太宗怒曰戚福

豈由靖等何為輕我宮人即令按驗淶川屬官魏徵曰

靖等陛下心膂大臣宮人陛下賤隸論其委任事理不

同又靖等出見官吏訪問朝廷法式民間疾苦自應與官吏相見至於宮人供養之外不合叅承若以此加罪恐不益德音駭天下耳目太宗曰公言是遂捨不問

太宗嘗作宮體詩使虞永興

虞世楠已見

賡和虞曰聖作誠

工然體非雅正臣恐此詩一傳天下風靡帝曰朕試卿爾後帝為詩一篇述古興亡既而歎曰鍾子期死伯牙不復鼓琴朕此詩何所示耶敕褚遂良即永興靈坐焚之

太宗射猛獸於苑內有羣豕突出太宗引弓四發殪四

豕有一雄豕直來衝馬尚書唐儉下馬搏之太宗拔劍

斷豕顧而笑曰天策長史不見上將擊賊耶何懼之甚

唐對曰漢祖以馬上得不以馬上理之陛下以神武定

四方豈復逞雄心於一獸太宗因命罷獵

劉昫唐書曰唐儉字茂約

晉陽人北齊尚書邕之孫父鑒與高祖有舊高祖在太原儉說太宗以天下可圖太宗白高祖召入密訪時事

授記室參軍貞觀

中天策府長史

貞觀中百官表請封禪獨魏徵切諫太宗謂徵曰朕欲

卿極言其不可徵對曰陛下功則高矣而人未懷惠德雖厚矣而澤未滂流諸夏雖安未足以供事遠夷慕義無以供其求符瑞雖臻爵羅猶密積歲豐熟倉廩尚虛臣未能遠譬但喻於人今有人十年常患療治且愈皮骨僅存便欲使負米一石日行百里必不可得隋氏之亂非止十年陛下良醫除其疾苦雖已乂安未甚充實告成天地臣竊有疑且陛下東封萬國咸萃要荒之外莫不奔走今伊洛已東洎於海岱灌莽巨澤蒼茫千里

人烟斷絕雞犬不聞道路蕭條進退艱阻豈可引彼蠻夷示之虛弱殫府竭財未厭遠人之望加年給復不償百姓之勞或遇水旱之災風雨之變庸夫橫議悔不可追豈獨臣之懇誠亦實輿人之議太宗乃罷封禪

少府監裴匪躬善營利嘗奏賣苑中馬糞歲可得錢二十萬緡上以問劉仁軌仁軌對曰利則厚矣恐後代稱唐家賣馬糞非佳名也

裴匪躬在司農寺按諸苑鬻果蔬儲利佐公墨敕

示僕射蘓良嗣

見

良嗣判曰公儀休一諸侯相尚拔葵

去織未聞天子賣果蔬與人爭利事遂不行

高宗出獵在路遇雨因問諫議大夫谷那律曰雨衣若為不漏對曰能以瓦為之必不漏矣上因此不復出獵

王方慶在政府其子為眉州司士叅軍武后嘗問卿在相位何子之遠方慶荅曰廬陵是陛下愛子今尚在遠臣

之子庸敢相近世以比倉唐之對

劉昫唐書曰王方慶雍州咸陽人周石泉

公褒之曾孫官至太子左庶子博學好著述尤精三禮

高宗嘗問魏元忠外以朕方前代何主元忠荅曰周成
康漢文景帝問然有遺恨否曰有之王義方一世豪英
而死草萊議者謂陛下不能用賢帝曰我適用之聞其
死顧已無及元忠曰劉藏器行副於才陛下所知今七
十為尚書郎徒歎彼而又棄此帝默然

蕭至忠依太平公主後復當國嘗出主第遇宋璟於道

宋曰非所望於蕭傅

唐詩紀事曰至忠蕭德言之孫
相中宗後從太平公主謀逆伏

誅明皇曰至忠誠
國器但晚謬耳

玄宗登封泰山張燕公多引兩省生徒及所親知攝官
升山超階至五品時張九齡當草詔謂燕公曰官爵者
天下之公器望為先勞舊為次若顛倒衣裳則譏議起
矣今登封需澤千載絕典清流高品不沐殊恩胥吏末
班先加章綬但恐制出之後四方失望今進草之際事
猶可改燕公曰事已決矣悠悠之談何足慮也後果為
宇文融所劾

中宗嘗宴侍臣酒酣後令各為迴波詞衆皆為佞悅之

語時李景伯獨寓規諷其詞曰迴波爾時酒卮微臣職
在箴規侍飲既過三爵諠譁切恐非儀中宗不悅中書
令蕭至忠稱之曰此真諫官

明皇以李林甫為相一日曲宴近臣於苑中帝指示張
九齡李林甫曰檻中盆池新魚數頭鮮活可愛林甫曰
賴陛下恩波所養九齡曰盆中之魚猶陛下用人但能
裝景致助兒女之戲耳

張九齡獎愛李泌常引至卧内九齡與嚴挺之蕭誠善

挺之惡誠好佞勸九齡絕之九齡獨念嚴太苦勁不若
蕭軟美可喜方命左右召蕭泌在旁率爾曰公起布衣
以直道至宰相顧喜軟美者乎九齡改容驚謝因呼小友
玄宗嘗於復道窺見衛士食畢以殘食棄水甕中上怒
令杖殺之寧王曰從復道窺衛士之過恐人不能自安
上曰大哥於我可謂急難

杜暹家藏書皆自題跋尾以戒子孫曰請俸買來手自
校子孫讀之知聖道嚮及借人皆不孝

職官分紀曰杜
暹開元十四年

召為中書門下平章事
遣中使往迎賜宅一區

肅宗為太子時明皇使割羊臠肅宗以餅拭刀徐噉之
明皇喜曰福當如是愛惜

唐肅宗既遷上皇於西內嘗端午日山人李唐入見上
抱幼女語唐曰朕念之卿勿怪也唐對曰太上皇思見
陛下計亦如陛下之念公主上泣然泣下

李暉為山南節度鎮襄陽

劉昫唐書曰李暉字子蘭唐王明之玄孫天寶中嗣封多

智數善因事以自便奉太妃鄭氏以襄陽有張柬之林
孝聞官襄州刺史山南東道節度使

園在州西公府多假之游宴準嘗欲買之馬彞歛衽言
曰漢陽有中興功遺業當百世共保奈何令其子孫自
鬻準謝曰主吏失詞以為君羞非君安得聞此言

劉昫
唐書

曰馬彞扶風人初未知名
李準始辟之後以正直稱

裴諝為河東鹽鐵使時關輔旱儉諝入計召至便殿問
權酤之利歲出內幾何諝久不對帝復問諝曰臣有所
思帝問何思諝曰臣自河東來涉三百里而農人愁歎
穀菽未種誠謂陛下軫念元元先訪疾苦而乃責臣以

利孟子曰治國者仁義而已何以利為故未即對帝曰

微公言朕不聞此

劉昫唐書曰裴諤字士明洛陽人父寬有重名諤通達簡率不好苛細史

思明寇東都陷賊中乃陰疏賊短長以聞事泄思明大怒僅而免死賊平累官兵部侍郎

陸敬輿

陸贄已見

嘗語德宗曰欲紓多難收羣心惟在赦令

而已動人以言所感已淺言又不切人誰肯懷

陸相

贄

知舉放崔羣

已見

後羣知舉陸氏子簡理被黜羣

妻李夫人謂羣曰子弟成長盍置莊園公曰今年已置

三十所矣謂知舉放三十人也夫人曰君非陸贄門生

乎君掌文柄陸氏子無一得事者如以君為良田陸氏
一莊荒矣羣無以對

韓滉堂先無挾廡弟洄稍增補之滉見即撤去曰先君
容焉吾弟奉之猶恐失墜安敢改作以傷儉德

柳渾為相韓滉自浙西入覲朝廷委政待之每奏事語
至日午他相充位而已滉於省中榜吏渾雖滉所引心惡
其專正色曰先公猶察為相不滿歲而罷今相公復榜吏
於省中省闥非刑人之地相公奈何復蹈前非況在朝

而專立威福豈尊主卑臣之義混憮然愧悔為之霽威
鄭綱為門下侍郎朝廷以盧從史與王承宗有連詔從
史歸潞從史辭潞乏糧請留軍山東李吉甫密譖綱漏
言於從史帝怒坐浴堂殿召學士李絳語其故絳曰誠
如是罪當族然誰以聞陛下帝曰吉甫為我言絳曰綱
任宰相稍識名節不當如犬彘梟獍與姦臣外通恐吉

甫勢軋內忌造為醜辭帝良久曰吉甫幾誤我

劉昫唐書曰鄭

綱字文明少有奇志好學善屬文張參蔣乂楊綰常衮
皆相知重憲宗朝拜中書侍郎集賢殿大學士綱以文

學進踐歷華顯者四十年所居雖無赫奕稱而守道敦篤耽悅墳典與博聞好古之士為講論名理之游時人仰其耆德

憲宗初徵柳宗元劉禹錫至京俄皆貶謫柳得柳州劉得播州柳以禹錫須侍親播州最為惡處請以柳州換上不許宰相言禹錫有老親上曰但要與惡郡豈繫母在裴晉公徐進曰陛下方侍太后不合發此言上有愧色既而語左右曰裴度終愛我切禹錫改授連州

周墀節度鄭滑

劉昫唐書曰周墀字德升汝南人能為古文有史才文宗重之補集賢學士出為

鄒滑節度使入朝遷刑部侍郎以本官平章事

表韋澳在幕府會墀入相私語

澳曰卿何以教我澳曰願公無權墀愕然澳曰爵賞刑罰

人主之柄公無以喜怒行之俾庶官各舉其職則公歛

衽廟堂天下治矣烏用權墀歎曰吾先居此得無愧

乎

唐詩紀事曰韋澳字子斐官至秘書監分司東都嘗戲吟曰莫將韋監同殷監錯認容身是保身此語聞

於京師權

佞甚怒之

德宗令王叔文直東宮太子欲言宮市之弊人皆贊美

叔文獨無言罷坐太子謂叔文曰君何獨無言叔文曰太

予視膳問安外不合輒預他事陛下在位歲久如小人
離間謂殿下收取人心則安能自解太子聞之曰苟無
先生安得聞此語

于延陵授建州刺史上問建去京師近遠對曰八千里
上曰朕左右多建人郡極不惡卿若廉潔奉公綏緝凋
瘵無異長在我前或撓枉法度遠人亡聊即三尺堦
前便是萬里延陵悸懾上撫而遣之

崔彥昭與王凝為外昆弟凝先顯而彥昭未仕彥昭嘗

倨見凝凝慢言曰不若從明經舉彥昭為憾後彥昭入相凝為兵部侍郎彥昭母敕婢多製履襪曰王氏妹必與子皆逐吾將共行彥昭聞之泣且拜不敢為怨

王凝已見

劉昫唐書曰崔彥昭字思文清河人事母至孝雖位居宰輔退朝侍膳與家人雖處承奉左右未嘗高言歲時慶賀公卿拜席時人榮之

李茂貞居岐以地狹賦薄嘗下令榨油因禁城門無內

松薪以其可為炬也有優者笑曰臣請并禁月明

五代史記

曰李茂貞深州博野人為博野卒戍鳳翔光啓中以功自扈蹕都頭拜鳳翔隴右節度使

唐明宗與馮道語及年穀屢登四方無事道曰臣常記
昔在先皇幕府奉使中山歷井陘之險臣憂馬蹶執轡
甚謹幸而無失逮至平路放轡自逸俄至顛隕凡為天
下亦猶是也上深以為然

江南李景於宮中起樓甚高衆皆歎美蕭儼獨曰恨樓
下無井以此不及景陽樓

太平興國中朝士祖吉典郡以姦賊下獄太宗怒其貪
穢遣中使諭旨於執政祖吉特俾於郊赦不宥明日宰

相趙普

已見

奏曰敗官抵罪合正刑辟然而國家卜郊肆

類所以對越天地告於神明吉本何人亦安足以隳陞

下赦令上善其對而止

王魏公

王旦

見家人服飾似過則瞑目曰吾門素風一至

於此亟令減損

蘓子美以饗客得罪言事者欲因子美以動一二大臣

彈擊甚急宦者操文符捕人所逮皆一時名士都下為

之紛駭左右無敢救解韓魏公從容言於仁宗曰舜欽

一醉飽之過止可付有司治之何至如此帝悔見於色
崔公孺是韓魏公夫人之弟魏公執政日用監司有非
其人者公孺曰公居陶鎔之地宜法造化為心造化以
蛇虎者害人之物故置蛇於數澤置虎於山林公今何
乃置之通衢使為民害

涑水記聞曰崔公孺諫議大夫
立之子韓魏公夫人之弟性亮

直喜面折人親
公甚嚴憚之

連庶為壽春令縣有淮南王舊壘在山間州守議取其
臂為城庶曰弓矢舞衣傳之百世藏於王府非為必可

用蓋以古之物傳於今尚有典刑也壘因是得存

王得臣塵

史曰應山二連伯氏庶字君錫仲氏庠字元禮少從學於二宋相繼登科君錫為人清修孤潔故當官人號為

連底清元禮加以肅人號為連底凍

陳恭公判亳州遇生日親族多獻老人星圖姪世修獨

獻范蠡遊五湖圖且贊曰賢哉陶朱霸越平吳名隨身

後扁舟五湖公即日納節

宋史曰陳執中字昭譽以父恕任為秘書省正字累遷平

章事卒贈侍中禮官韓維議謚言謚法寵祿光大曰榮不勤成名曰靈執中出入將相以一品就第寵祿光大

矣得位行政士大夫無迷焉不勤成名矣請謚為榮靈詔謚恭

嘉祐中除張堯佐節度

東軒筆錄曰張堯佐以進士擢第官至屯田員外郎知開州會

其姪女有寵於仁宗冊為修媛堯佐遂驟遷一日除宣徽節度景靈羣牧四使

陳秀公作中丞上

殿爭之仁宗初盛怒作色待之既進見迎謂之曰豈欲

論張堯佐不當授節度耶節度使本麗官何用甚爭時

唐質肅

唐介已見

作御史裏行在衆人後越次進曰節度使

太祖太宗總曾做來恐不是麗官上竦然而罷

東都事畧

曰陳升之字暘叔建州建陽人舉進士為校書郎徙監察御史張堯佐以後宮親為三司使升之言其不可改侍御史知雜為人深沉多數善傳會始為小吏與王安石相遇安石深器之升之在樞府安石亦執政多變更

舊制引升之共事升之心知其非而竭力贊助故先安石拜相封秀國公謚成肅

洛中有一僧欲開堂說法司馬君實夜過邵堯夫曰聞富彥國呂晦叔欲往聽此甚不可晦叔貪佛已不可勸人亦不恠如何勸得彥國堯夫曰今日已莫姑任之明日二人果偕往後月餘彥國招數客共飯堯夫在坐因問彥國曰主上以裴晉公禮起公公何不應命又聞三遣使公皆卧內見之彥國曰衰病如此其能起否堯夫曰上三命公不起一僧開堂以片紙見呼即出恐亦未

是彥國曰弼亦不曾思量至此

邵康節與富鄭公在洛每晴日必同行至僧舍鄭公見佛必躬身致敬康節笑曰無乃為佞乎

文潞公守東都日富鄭公致仕在洛司馬溫公領宮祠范蜀公自許來同過郡為會潞公出四玉杯勸酒官奴不謹碎其一潞公將治之溫公請筆書牘尾云玉爵弗揮典禮雖聞於往記彩雲易散過差可恕於斯人潞公笑釋之

陳少卿蓄書數千卷名畫數十幅晚年退居有華亭喚
鶴一雙恠石一株奇峭可愛與異花數十本列植於庭
為詩以戒子孫曰滿室圖書雜墳典華亭仙客岱雲根
他年若不和花賣便是吾家好子孫陳死未幾皆散落

民間

吳處厚青箱雜記曰陳亞揚州人仕至太常少卿年七十卒蓋近世滑稽之雄也

范蜀公以議新法不合而去其謝表云望陛下集群議
為耳目以除壅蔽之女任老成為腹心以養和平之福
天下聞而壯之

邵氏聞見錄曰王荆公草制詞極於醜詆公笑誦其辭曰材無任職之能某披

祿當之內有謀利之實則夫子自道也後元祐起公公
辭曰六十三而求去蓋不待年七十九而復來豈云得
禮卒
不起

李清臣平日多於韓魏公前論釋氏貴定力謂無定力
則不能主善公每然之後朝廷斥異論者清臣頗持兩
端魏公因書問之曰比來臺閣斥逐紛紛吾親得不少
加定力耶公之善諭人如此

呂獻可

呂誨已見

病亟日自草章乞致仕其辭曰臣無宿

疾偶值醫者用術乖方殊不知脉候有虛實陰陽有逆

順診察有標本治療有先後妄投湯劑率意任情差
之指下禍延四肢寢成風痺遂難行步非祇憚蹙蹙之
苦又將虞心腹之變勢已及此為之奈何雖然一身之微
固未足恤其如九族之託良以為憂是思納祿以偷生
不俟引年而還政蓋以疾喻政天下聞而避之

范蜀公與司馬溫公同遊嵩山各携茶以行溫公以紙
為貼蜀公用小黑木合子盛之溫公見之驚曰景仁乃
有茶具耶蜀公聞其言留合與寺僧而去

范蜀公素不飲酒又詆佛教在許下與韓持國兄弟往還諸韓皆崇此二事每宴集蜀公未嘗不與同飲盡歡少間必以禪悅相勉蜀公頗病之蘓子瞻時在黃州蜀公以書問救之當以何術曰麴蘖有毒平地生出醉鄉土偶作祟眼前妄見佛國子瞻報之曰請公試觀能惑之性何自而生欲救之心作何形相此猶不立彼復何依正恐黃面瞿曇亦須歛衽況學之者耶亦以曉公公終不領

蘓惠州以作詩下獄自黃州再起遍歷侍從然其詩
每為不知者咀味以為有譏訕遂出守錢塘來別文潞
公公曰願君至杭少作詩恐為不喜者誣謗再三言之
臨別上馬潞公笑曰若還興也便有箋云時吳處厚取
蔡安州詩作注以上安州遂遇禍故潞公有箋云之戲
晏叔原著樂府黃山谷為之序父客韓宮師玉汝曰願
郎君捐有餘之才崇未至之德

黃山谷小山集序曰晏叔原臨淄公之暮子也

經籍考曰小山集晏幾道叔原撰其辭在名勝間可追迫花間高處或過之

晁伯宇少作閔吾廬賦黃魯直以示蘓長公曰此晁家
十郎作年未二十也長公荅曰此賦甚奇蘓信是晁家
多異材耶凡人至足之餘自溢為奇怪乃可今晁傷奇
太早可作魯直微意諭之勿傷其邁往之氣魯直以語

晁晁自是文章大進

昭德先生郡齋讀書志曰晁載之
字伯宇黃魯直嘗薦之於蘓子瞻

云伯宇謹厚守文元家法從遊多
長者後坎壈終身卒官封丘丞

二王

王寧
王寔

是韓持國壻一日訪蘓端明端明因問訊持

國王曰公自致政來尤好為歡嘗謂身已癯老且以樂

聲自娛不爾無以度日東坡曰殘年正不應爾願為某
傳一語於持國頃有一老人未嘗叅禪而雅合禪理死
生之際極為了然一日置酒大會酒闌語衆曰老人即
今且去因攝衣正坐奄奄欲逝諸子惶遽呼號曰大人
今日乃與世訣願留一言為教老人曰本欲無言今為
汝懇只且第一五更起諸子未諭老人曰惟五更可以
幹當自家事諸子曰家中幸豐何用早起舉家諸事皆
是自家豈有分別老人曰所謂自家事是死時將得去

者吾平時治生今日就化可將何者去諸子頗悟今持國自謂殘年請二君言與持國但言某請持國幹當自家事與其勞心聲酒不若為可以死時將去者計也

王元澤病亟介甫命道士作醮大陳楮泉平甫啓介甫曰兄在位要須令天下後世人取法雱雖疾立之禱久矣為此奚益且兄常以倉法繩吏姦今乃以楮泉徼福安知三清門下不行倉法耶

李伯時善畫馬

鄧椿畫繼曰李公麟字伯時舒城大族家世業儒公麟以文學有名於時陸佃

薦為中書省刪定官董敦逸辟檢法御史臺學佛悟道深得微旨立朝籍籍有聲平日博求鍾鼎古器圭璧寶玩森然滿家以其餘力留意畫筆心通意徹直造玄妙蓋其大才逸羣舉皆過人也法秀師讓之

曰伯時為士大夫而以畫行已可恥又作馬忍為之耶伯時恚曰作馬無乃例能蕩人心墮惡道乎師曰公業已習此則日夕思其情狀求為神駿繫念不忘一日眼花落地必入馬胎無疑非惡道而何伯時大驚不覺身去坐榻曰今當何以洗此過師曰但當畫大士像伯時遂畫此像妙絕天下一時公卿服師之善誘

法秀師嘗語黃魯直曰公作豔歌小詞可罪之魯直曰
空中語耳非殺非偷不至坐此墮惡道師曰君以邪言
蕩人搖心使逾禮越禁其罪豈止墮惡道而已魯直由
此不作詞曲

捫虱新話曰黃魯直初好作豔歌小詞道人法秀謂其以筆墨誨淫於我法中當墜

泥犁之獄魯直自是不作

張芸叟云頃游京師嘗聽司馬溫公王荊公之論於行
義文史為多唯歐陽公多談吏事余言學者見公莫不
欲聞道德文章今先生何教人以吏事公曰吾子皆時

才異日臨事當自知之大抵文學止於潤身政事可以
及物吾昔貶官吏陵方壯年未厭學欲求漢史一觀公
私無有因取架閣陳年公案反覆觀之見其枉直乖錯
不可勝數違法徇情滅親害義無所不有且夷陵荒遠
褊小尚如此天下固可知也當時仰天誓心自爾遇事
不敢忽時蘓明允父子亦在共聞此語

東都事畧曰張
舜民字芸叟邠

州人王安石行新法舜民上書謂裕民所以窮民彊內
所以弱內關國所以感國以堂堂之天下不當與小民
爭利時皆壯之元祐初司馬光舉舜民才氣秀異剛直
敢言召試秘閣校理舜民慷慨善論事自號浮休居士

劉資政為太常少卿時靖康用兵軍需困乏劉檢視禮器庫見有故祭服甚多將建請以為戰士衲衣有老吏諫曰祭器弊則埋之祭服弊則焚之禮也奈何以為戰士衣劉嘿然

蔡元長既刻黨籍碑在朝無敢言者其後再相葉左丞從容謂之曰夢得聞天下有道則庶人不議今舉籍上書之人刻之于石以昭示來世恐非所以彰先帝之盛德也蔡大感悟其後黨禁稍解胡尚書

直孺

聞之歎曰

此人宜在君側

宗澤任館陶尉凡獲逃軍即殺之邑境為之無盜時呂

大資

忠卿

帥大名聞其事因召與語仍薦之且戒云此雖

警言盜賊之一策恨子未閱佛書人命難得安可殺況國

有常刑

方勺泊宅編曰宗澤婺州農家子登進士任館陶尉

楊誠齋為零陵丞以弟子禮謁張魏公時公以遷謫杜

門謝客南軒為之介紹數日乃得見因跪請教公曰元

符貴人腰金紆紫者何限惟鄒志完陳瑩中姓名與日

月爭光誠齋得此語終身厲清直之操

王嘉叟與王龜齡別語龜齡曰吾輩會合不可常但令常留面目異日可以相見龜齡每歎賞此言

趙德莊嘗宰餘干趙忠定

汝愚

是其邑子忠定初冠多士

適德莊在朝忠定往謁謝德莊語之曰慎勿以一魁先

置胸中時以為名言

荃翁貴耳集曰趙介菴名彥端字德莊宗室之秀能作文賦

淳祐甲辰省元徐霖狀元劉夢炎皆三衢人一時士林稱為盛事時楊彥瞻守衢揭雙元坊以誇之二公各以

書為謝且固辭焉彥瞻荅書頗致規諷二公得書悚然其後徐以道學名劉以功業顯世以為彥瞻有以發之

周公謹齊東野語曰彥瞻荅書云嘗聞前輩曰吾鄉昔有第奉常而歸饋者迂者往來而觀者開路駢陌既而宗族姻友與客交賀焉至於讐者亦茹恥含愧賀且謝焉獨鄰居一室扁錡遠引若避寇然余恠問之愀然曰所貴衣錦之榮者謂其得時行道有以庇吾鄉里今或竊一名得一官即起朝富暮貴之想名愈高官愈亨而用心愈謬武斷者有之庇姦慝持州縣者有之是一身之榮一害之增也其居日以廣鄰居日以廣吾將入山林深窅之地以避之是可弔何以賀為吾聞而異其言因默識而謹書之凡交遊間必道此語相訓切而非心相知者不道也執事於不肖可謂心相知而不以告罪也且今日此扁之揭所以獨異於尋常者蓋僕之望於

執事者亦異焉人於此時每以諛獻僕乃獨以忠告非求異於人所冀進執事之德成執事之器也執事若以僕之言為然則是扁之揭可無愧矣

金海陵銳於求治講論每至夜分嘗乙夜召見楊伯雄因及鬼神事伯雄進曰漢文帝召見賈生夜半前席不問百姓而問鬼神後世譏之陛下不以臣愚陋幸及天下大計鬼神之事未之學也海陵曰但言之以釋永夜倦思伯雄曰臣家有一卷書記人死復生或問冥官何以免罪荅曰汝置一厯白日所為暮夜書之不可書者

是不可為也海陵為之改容

金史曰楊伯雄字希雲真定藁城人八世祖彥稠後

唐定州兵馬使伯雄登皇統進士海陵一見深加器重海陵執政以舊知伯雄屬之使時時至其第伯雄不往海陵怪問之對曰君子受知於人當以禮進附麗奔走非素志也海陵竄立銳於求治講論每至夜分嘗問人君治天下其道何貴對曰貴靜海陵默然明日復謂曰我遷諸部猛安分心邊戍前日之對豈指是為非靜耶對曰徙兵分心使南北相維長策也所謂靜者乃不擾之耳

虞伯生與元明善俱以文章著二人相得甚歡至京師乃復不相下董士選自中臺行省江浙二人送至都門士選曰伯生以教道為職當早還復初宜更送我伯生

還明善送至二十里外士選下馬入邸舍中為席酌酒
同飲舉酒屬明善曰士選以功臣子出入臺省無補國
家惟求得佳士數人為朝廷用如復初與伯生他日必
皆光顯然恐不免為人構間復初中原人仕必當道伯生
南人將為復初挫折今為我飲此酒慎勿如是明善受
卮酒跪而酌之起立言曰請公再賜一卮明善終身不

敢忘公言乃再飲而別

元明善已見元史曰虞集字伯生字丞相允文五世孫父伋

黃岡尉宋亡僑居臨川與吳澄為友娶楊氏國子祭酒文仲女生集三歲即知讀書伋挈家趨嶺外無書冊可

携楊氏口授論語孟子左傳歐蕪文輒成誦文仲以春秋名家族弟棟明性理之學楊氏盡通其說故集與弟槃皆受業家庭董士選除南行臺中丞延集家塾大德初至京師益自充廣除國子助教即以師道自任累官奎章閣大學士元史曰董士選字舜卿文炳次子幼從文炳居兵間晝治武事夜讀書不輟靜重識大體秋毫無所取其禮敬賢士尤至在江西以屬掾元明善為賓友又得吳澄而師之延虞似於家塾以教其子諸老儒及西蜀遺士皆以書院之祿起之遷南行臺招攸子集與俱得范梈等數人皆以文學顯於時世稱求賢薦士必以董氏為首

許白雲

許謙已見

初從金履祥學履祥語之曰士之為學猶

五味之在和醯醢既加則酸鹹頗異今子處此已三日

而猶夫人也豈我之學無以感發子耶白雲聞之惕然

自勵數年盡得其所傳之奧

元史曰金履祥字吉甫婺之蘭溪人幼敏睿授之書

即能記誦比長益自策勵凡天文地形禮樂田乘兵謀律歷之書靡不畢究及壯知向濂洛之學事同郡王栢

學者稱為

仁山先生

世祖時天變異常上遣鄂爾根薩里召集賢翰林兩院

官詢致災之由議者莫敢語及時政先是丞相僧格遣

實都王濟理算天下錢糧害民特甚人不聊生自殺者

相屬趙承旨

趙孟頫已見

與鄂爾根薩里善勸令奏帝赦天

下盡與蠲除庶幾天變可弭鄂爾根薩里入奏如承旨
言上從之詔草已具僧格大怒謂非上意承旨語僧格
曰凡錢糧未徵者其人死亡已盡何所從取非及是時
除免之他日言事者倘以失陷錢糧數千萬歸咎尚書
省豈不為丞相深累耶僧格悟民始獲蘓

順帝嘗於暇日欲觀古名畫庫庫即取郭忠恕比干圖

以進

庫庫
已見



語林卷十九